



Levantamentu COVID-19 iha Timor-Leste

Ronda 7 – Juñu 2021

Suporta husi



Implementa husi



Produs husi






Levantamentu COVID-19 iha Timor-Leste

Rezultadu sira Juñu 2021




Folla faktu ne'e prezenta rezultadu husi levantamentu telefóniku ba adultu Timor Leste nian hamutuk 420, envolve mane 237 no feto 183, hala'o husi 11 to'o 17 Juñu 2021. Iha loron ikus semana nian husi levantamentu ne'e, iha kazu ativu COVID-19 hamutuk 1,275 iha Timor Leste, no Estadu Emerjénsia renovadu ona ba dala 14. Serka sanitária aplika ba munisípiu haat husi munisípiu 13, inklui Dili. Rezultadus husi Juñu kompara ho rezultadus seluk wainhira posivel.

COVID kontinua sai hanesan dezafiu boot liu ba individu ida, komidade no nasaun




Ba Timor-Leste:

	Mai '20	Jul '20	Set '20	Dez '20	Fev '21	Mai '21	Juñ '21	
	62%	53%	72%	61%	87%	87%	84%	COVID-19
	10%	18%	8%	17%	6%	6%	9%	Ekonomia
	18%	19%	10%	11%	4%	5%	2%	Politika

Ba ita-boot nia komidade:




	Mai '20	Jul '20	Set '20	Dez '20	Fev '21	Ma '21	Juñ '21	
	76%	70%	64%	70%	85%	85%	85%	COVID-19
	64%	72%	62%	68%	75%	61%	64%	Ekonomia
	12%	21%	29%	33%	17%	37%	42%	Politika

Ba ita-boot hanesan individu:


	Mai '20	Jul '20	Set '20	Dez '20	Fev '21	Mai '21	Juñ '21	
	80%	75%	79%	81%	90%	92%	95%	COVID-19
	63%	74%	62%	69%	77%	66%	71%	Ekonomia
	49%	59%	50%	51%	63%	37%	34%	Politika

Hahalok seguru COVID hanesan de'it


(% husi hahalok ne'ebé pratika ona)

	70%	Uza máskara	Mai '21: 66%	Fev: 58%	Dez '20: 55%
	58%	Fase liman	Mai '21: 61%	Fev: 57%	Dez '20: 52%
	53%	Mantein distansia 1.5 m	Mai '21: 48%	Fev: 46%	Dez '20: 51%

Persepsaun katak timor-Leste la'o ba diresaun loos kontinua menus husi pozitivu




Maioria sei hanoin katak governu halo servisu di'ak hodi hala'o nia responsabilidade sira



34% Fiar ba governu atu tau-matan ba sira durante COVID-19

Mai '21: 34% Fev '21: 54% Dez '20: 59%
Set '20: 83% Jul '20: 64%

Sentimentu kona-ba governu atuál nia reasaun:



Durante tempu ida ne'e, saida mak governu halo liu tan atu tulun sidadaun sira? Topu 3

1. Hapara serka sanitária – 44%
2. Hapara estadu emerjénsia – 34%
3. Hapara konfinamentu obrigatóriu – 23%

55% hamenus ka la han tempu ruma tanba la iha osan natón ba hahán


Mai '21: 74% Fev '21: 62% Dez: 60% Set: 53% Jul '20: 70%
Mai '20: 76%

Iha loron 30 liu ba,






Koñesimentu ba vasina COVID-19 nian aas, no koñesimentu kona-ba bainhira mak sira iha tendensia atu simu mós kontinua aas



Ida husi ema-na'in tolu pelumenus simu ona vasina COVID-19




Persepsaun kona-ba seguransa vasina COVID-19

33% Hein katak vasina ne'e sei seguru atu simu Maiu '21: 37%

34% Hein katak vasina sei prova seguru ba tempu naruk Maiu '21: 41%


Aprovasaun ba planu vasinasaun Timor-Leste hahu sa'e oituan



Maioria respondente sira nia uma la afetadu ka afetadu uitoan de'it husi siklon no bee-sa'e foin lalais



Maioria hotu-hotu sente seguransa no protesau iha sira-nia komunidade lokal melloradu ka nafatin de'it desde Marsu 2020



Ameasa komún barak liu dezde Marsu 2020: Topu 3

- COVID-19 – 82%**
Maiu '21: 91% Fev '21: 77% Dez '20: 70%
- Hadau Malu Rai – 7%**
Maiu '21: 3% Fev '21: 6% Dez '20: 6%
- Violensia Domestika – 4%**
Maiu '21: 4% Fev '21: 11% Dez '20: 9%

Seguransa: 64% konfliktu ne'ebé relata ona iha sira nia área

Kazu barak liu husi konfliktu iha ita-boot nia área: Topu 3

- Abandonamentu – 19%
- Asaltu fiziku rezulta kanek – 12%
- Gang ka grupu organizadu – 9%

Ami hakarak agradese ba respondente 420 (mane 237 no feto 183) ba sira nia tempu no entrevistador 11 iha Dili ne'ebé hala'o levantamentou Juñu 2021 ne'e.

Suporta husi



Implementa husi



Produz husi



Antesedénsia

Peskija ne'e kona-ba saida?

COVID-19, ka pandemia global virus corona, ezije ona reasaun boot husi governu sira iha mundu tomak. Timor-Leste iha rasik nia rekizitu úniku sira wainhira responde ba akontesimentu ho magnitude ida ne'e.

Peskija ida ne'e hakarak atu komprende:

- Preokupasaun sira husi povu Timor-Leste nian
- Di'ak oinsá povu adopta medida prevensaun sira no kuidadu sira nia saúde
- Nivel konfiansa/fiar ba governu
- Utilizasaun, satisfasaun ba, governu nia programa sira
- Impaktu sosiál no ekonómika sira husi pandemia COVID-19
- Oinsá knaar umakain sira fahe ba malu durante pandemia
- Reziliénsia individu sira no sira nia comunidade, no
- Fonte notísia no informasaun ne'ebé povu Timor-Leste depende ba no kontinua hetan informasaun kona-ba pandemia.

Kontekstu iha Timor-Leste

Iha momentu levantamentu antes ne'ebé hala'o husi 1-8 Maiu 2021 (Ronda VI) Timor Leste experimta aumentu ne'ebé preokupante tebes kona-ba transmisaun komunitária COVID-19, ho kazu ativu 1,315 (6 Maiu). Atu remata Ronda VII levantamentu ne'e nian, kontinua konsentrasaun iha fronteira, kuarantena, konfinamentu obrigatóriu (*lockdown*) no medidas serka sanitária; hamutuk ho implementasaun vasinasaun signifika katak número kazu ativus tuun daudaun, ho kazu ativus COVID-19 1,275 (16 Juñu 2021). Husi 26 Jullu número husi kazu ativus tuun kedas kazu 652; ho total kazu 10,354 no mate 26 iha período pandemia ne'e (*Haree* <https://covid19.gov.tl/en/dashboard/>).

Estadu Emerjénsia (#13, #14 no #15) renovadu tutuir malu iha 3 Maiu, 2 Juñu no 2 Jullu 2021. Deklarasaun Estadu Kalamidade iha Munisípiu Dili, orijinalmente deklarasaun iha 8 Abril, hodi responde ba inundasaun no siklón hafoin renova no estende to'o 4 Agostu (Rezolusaun Governu N.º75/2021 iha 31 Maiu).¹ Iha 16 Juñu, atu remata período levantamentu nia Ronda VII, GoTL hapara konfinamentu obrigatóriu iha Dili no 'serka sanitária' iha kapitál. Governu mós anunsia katak sei mantén serka sanitária iha munisípiu tolu (Baucau, Bobonaro no Covalima) ba loron hitu ba oin, nune'e limite movimentu ema nian.² Iha 26 Jullu renova serka sanitária iha Dili to'o deit 29 Jullu (Rezolusaun Governu No. 97/2021, 14 Jullu).³

Iha momentu levantamentu ida ne'e la iha kazu infesaun variante Delta COVID-19 nian mak dokumenta ona maibé iha 23 Jullu autoridade saúde Timor nian anunsia kazu importadu haat ne'ebé tama mai Timor Leste liuhusi fronteira rai ho Indonézia iha 23 Juñu. Kazu hirak ne'e identifikadu iha amostra 3000 ba ezaminasaun urjente iha Institutu *Peter Doherty* ba Infesaun no Imunidade, iha Melbourne, Austrália.⁴

Jestaun ba kazu COVID-19 iha Timor Leste ne'e konsideravelmente komplikadu tamba udan boot husi 28 Marsu-4 Abril akompaña ho Siklon Tropikal Seroja, rezulta inundasaun grave durante tinan 40 nia laran. Revizaun figura sira kona-ba impaktu husi siklon no inundasaun inklui fatalidade 34 (inklui ema lakon 14, deskonfia mate hotu), 22 husi ema ne'ebé iha Dili. Figura atualizada sira iha 15 Jullu indika katak umakain 30,322 iha railaran tomak mak afetadu ona; 82% iha munisípiu Dili. Total uma 4,212 mak hetan estragu iha railaran tomak.⁵ Número ema dezlokadu tuun iha momentu levantamentu ne'e nia Ronda VI (ema 3,125 iha sentru evakuasaun 17 iha munisípiu Dili) no iha Ronda VII levantamentu ne'e nian (ema 813 iha sentru evakuasaun nen). GoTL no parseiru umanitariu sira, inklui ONU, lansa millaun US\$ 32.7 ba Apelu Konjuntu & Planu Responde Inundasaun iha 2 Juñu atu responde ba nesesidade umanitariu seluseluk no tulun prosesu rekuperasaun sedu to'o Dezembru 2021.


¹ UN Resident and Humanitarian Coordinator for Timor-Leste, Timor-Leste Floods - Situation Report No. 11 (As of 16 July 2021)

² UN Resident and Humanitarian Coordinator for Timor-Leste, Timor-Leste Floods - Situation Report No. 10 (As of 18 June 2021)

³ UN Resident and Humanitarian Coordinator for Timor-Leste, Timor-Leste Floods - Situation Report No. 11 (As of 16 July 2021)

⁴ Tatoli, 2021. 'Timor-Leste records four cases of Delta variant', 23 July 2021

⁵ UN Resident and Humanitarian Coordinator for Timor-Leste, Timor-Leste Floods - Situation Report No. 11 (As of 16 July 2021)



Timor-Leste hahuu nia vasinasaun COVID-19 iha 7 April 2021 no iha Jullu 23 2021, total 238,909 doze vasina husi 262,933 doze primeiru (34,80%) no 74,80 doze daruak (9,9%) administra ona, predominamente iha Dili. Vasina sira ne'ebé iha liu husi facilidade COVAX no doasaun vasina husi Governu Australia, Nova Zelandia noa Xínés. Hahuu husi 26 Jullu, halo ona teste ba COVID-19 ho total 153,773, apoiu husi Governu Australianu – liu husi Institutu Menzies.

Peskija ida ne'e hala'o ba sé?

Fundasaun Ázia servisu ona ho povu Timor-Leste durante besik tinan 30 kona-ba asuntu sira hanesan empregu, direitu fetu sira, no Polisiamentu komunitáriu, no komisiona peskija ida ne'e. Rezultadu sira sei uza ba advokasia ho Governu Timor-Leste no doadór sira relasiona ho COVID-19. Peskija ida ne'e hetan apoiu husi Governu Australianu liuhusi Departamentu Negósiu Estranjeiru no Komérsiu (DFAT).

Oinsá mak hala'o peskija ida ne'e?

Entre 11 no 17 Juñu 2021, sentru xamada baze iha no Dili ida hala'o entrevista 420 ho adultu Timor-Leste (Mane 237 no Feto 183)⁶, lista amostra ida kona-ba respondente antes sira ba Fundasaun Ázia nia levantamentu Tatoli no Polisiamentu Komunitáriu. Ida ne'e buka-tuir husi levantamentu kuaze-idéntiku sira ne'ebé hala'o iha FEVEREIRU 2021 no Maiu, Jullu, Setembru no Dezembru 2020, ne'ebé sei uza atu kompara mudansa tuir tempu. ORIMA Research (Australia) servisu hamutuk ho Fundasaun Ázia kona-ba kestionáriu no metodolojia halibur dadus, pasa revista ba kualidade dadus, no halo análice no relatóriu. Detalle liu disponivel iha seksaun metodolojia iha relatóriu ida ne'e. Rezultadu kompletu sira mós disponivel iha plataforma Vizualizasaun Q2i (*Q2i Visualization platform*): surveys.asiafoundation.org/Dashboard?SurveyCode=TLCV

Ba futuru

Peskija ida ne'e hein atu akontese iha interval fulan-2 to'o Juñu 2021 atu haree mudansa sira ba comunidade tuir tempu. Relatóriu no plataforma vizualizasaun Q2i ida ne'e sei atualizadu tuir mai atu reflète dadus ida ne'e.

Nota sira ba Lee-na'in

Iha relatóriu nia rezultadu sira tomak ne'ebé hatudu iha nivel tomak. Iha ne'ebé mak iha diferença statistikamente signifikante bazeia ba jéneru ka lokalidade (Dili kompara ho hirak ne'ebé hela fora husi Dili), hirak ne'e deskreve iha komentáriu. Iha ne'ebé mak la nota diferença sira, ida-ne'e signífika haree katak la iha diferença statistikamente signifikante.

Koor sira uza iha gráfiku balu atu hatudu onda diferente sira husi levantamentu ne'e. Rezultadu sira ne'ebé resente liu hatudu ho koor metan liu.

La'os pergunta hotuhotu husu ona iha onda hotuhotu husi levantamentu ne'e. Iha ne'ebé mak rezultadu sira la hatudu ba pergunta balu ka parte balu husi pergunta sira, ida-ne'e signífika la husu pergunta hirak ne'e iha onda ne'ebá.

Iha fatin balu rezultadu sira karik la naturalmente aumenta ba ezatamente 100% tamba halo arredondamentu. Iha ne'ebé mak ida-ne'e akontese, rezultadu sira manualmente arredondadu ba 100%.

Informasaun tékniku kompletu liu inklui ona iha apéndice iha parte ikus husi relatóriu ida-ne'e. Distribuísau rezultadu sira detalladu liu tan disponivel iha vizualizadór dadus Q2i.

⁶ Dadu sira ne'e dezagreagdu tiha tuir jéneru durante iha análice, no kualker diferença ne'ebé iha mensiona hotu iha relatóriu ne'e.


Rezultadu sira

Preokupasaun boot liu


Iha Juñu 2021, kuaze metade (49%) husi respondente sira sente katak Timor Leste la'ó iha diresaun ne'ebé loos, aliña ho Maiu 2021 (48%).

Iha Maiu 2021, persepsaun katak Timor Leste la'ó hela iha diresaun loos aas liu ba hirak ne'ebé hela iha Dili (68%, kompara ho 43% fora husi Dili).

Jeralmente ko'alia, Timor-Leste la'ó hela ba diresaun...



Dezafiu boot liu hasoru iha Timor-Leste:



COVID-19 (inklui nia impaktu sira ba saúde) kontinua nafatin sai dezafiu persebidu boot liu ne'ebé Timor Leste hasoru (84%), hanesan iha ronda levantamentu sira antes nian.

COVID-19 ne'e konsideradu dezafiu boot liu iha grupu demográfiku hotuhotu iha Timor Leste.


Dezafiu persebidu boot liu segundu mak ekonomia fraka (9%), maske minoria deit husi respondente mak hili ida-ne'e.

Iha Juñu 2021, COVID-19 mós sai preokupasaun komún boot liu ba individuus (95%) no komunidade (85%). Figura hirak ne'e konsistente ho hirak ne'ebé dokumenta iha Fevereiru no Maiu 2021; no aas liu duké hirak ne'ebé observadu iha 2020.

Ekonomia fraka mak preokupasaun boot liu segundu ba individu (71%) no mós komunidade (64%), aliña ho rezultadu sira husi Maiu 2021 (66% no 61%, ida-idak). Preokupasaun kona-ba problema / instabilidade polítika sira (34% ba individu no 42% ba komunidade) estavel nafatin dezde Maiu 2021, hafoin aas liu iha Fevereiru 2021.

. Preokupasaun kona-ba falta servisu / rendimentu ne'e aas liu ba hirak ne'ebé hela iha Dili, kompara ho hirak ne'ebé hela fora husi Dili. Hirak ne'ebé hela fora husi Dili relata preokupasaun boot liu relaciona ho problema polítika sira no falta transporte públiku.

Topu 3 problema hanesan individual no iha ita-nia komunidade (Resposta multiplu, Problema barak liu lima mak hatudu)



Husu mós ba respondentes kona-ba oinsá sira preokupa kona-ba aspeitu oioin moris nian. kuaze 60% husi respondentes mak preokupadu 'loos' ba kada aspeitu ne'ebé teste ba sira. Nivel preokupasaun sira atu hanesan ho hirak ne'ebé dokumenta ona iha Maiu 2021 ba aspeitu maioria; maibé aumenta ona relaciona ho iha osan natón ba sira nia família (57% preokupadu 'loos', sa'e husi 46% iha Maiu 2021 no 39% iha Fevereiru 2021).


Nivel preokupasaun iha aspeitu hotuhotu aas liu ba hirak ne'ebé hela iha Dili, kompara ho hirak ne'ebé hela fora husi Dili.

Medida prevensaun sira no hahalok kuidadu saúde

Proporsaun husi respondentes ne'ebé relata katak iha semana pasada sira pratika 'tebtebes' uza máskara no mantén distánsia metru 1.5 husi ema seluk kontinua aumenta, hafoin tuun neneik dezde levantamentu dahuluk iha Maiu 2020 to'o Dezembru 2020. Maibé, proporsaun ema ne'ebé fase liman 'tebtebes' tuun uitoan husi Maiu 2021.

Iha Maiu 2021, hirak ne'ebé hela iha Dili mak iha liu tendénsia atu uza máskara 'tebtebes' (83%, kompara ho 66% husi hirak ne'ebé hela fora husi Dili).

Hahalok seguru COVID-19 (aplika barak loos) iha semana ida liu ba



Iha períodu tempu hanesan, proporsaun hanesan to'o Maiu 2021 dehan katak sira la atende 'tebtebes' sorumutu sosiál sira (52%), evita fatin públiku sira (51%), no servisu husi uma (51%).

Se karik ita-boot iha sintoma, ita-boot sei:

Maiu 2020	Jul 2020	Set 2020	Dez 2020	Fev 2021	Maiu 2021	Juñu 2021	
94%	95%	99%	98%	97%	93%	97%	Ba ospital ka Saude Klinika
92%	79%	79%	88%	97%	92%	96%	Informa ema sira ne'ebe besik hau
85%	79%	77%	86%	87%	86%	91%	Hela iha uma
-	-	63%	89%	85%	87%	83%	Hemu ai-moruk tradisional
-	-	80%	85%	88%	86%	75%	Halo hanesan baibain

Kuaze respondente hotuhotu relata katak se sira iha sintoma moras nian, sira sei ba ospital ka klinika saúde nian (97%) no informa ba ema ne'ebé besik sira (96%)


Maioria husi respondentes mós relata sira sei hela iha uma (91%) no hemu aimoruk tradisional (83%), aliña ho ronda sira antes nia rezultadu sira.

Enkuantu maoria husi respondentes (75%) relata sira sei halo hanesan baibain se sira hatudu sintoma, figura ida ne'e mak ki'ik liu ne'ebé dokumenta ona dezde Setembru 2020. Hirak ne'ebé hela iha Dili (70%) no ho otas 17-24 (70%) mak iha tendénsia menus liu atu relata katak sira sei halo hanesan baibain.


Fiar ba Governu

Fiar ba GoTL atu taumatan ba ninia sidadaun sira durante COVID-19 nafatin konsistente ho nivel sira ne'ebé relata iha Maiu 2021 (34%, ho proporsaun aas uitoan indika fiar maka'as) hafoin antes ne'e tuun dezde Setembru 2020. Proporsaun ema ne'ebé relata la fiar Governu mós nafatin estavel dezde Maiu 2021 (55%, la iha mudansa).

Hirak ne'ebé hela iha Dili relata fiar menus liu ba governu (23%, kompara ho 38% husi hirak ne'ebé fora husi Dili), enkuantu hirak ne'ebé hela iha Dili relata la fiar aas uitoan (57%, kompara ho 50% husi hirak ne'ebé iha Dili).



Oinsá ita-boot nia hanoin kona-ba reasaun atuál husi governu ba COVID-19?



Maski nivel ki'ik liu husi hotu-hotu fiar ba Governu atu taumatan ba sidadaun sira, persepsaun sira kona-ba Governu nia reasaun atuál ba surtu COVID-19 ne'e atu hanesan ba hirak ne'ebé observadu iha ronda sira antes (21% sente katak insuficiente, 51% sente katak apropriadu no 28% sente katak estremu liu).

Wainhira husu kona-ba oinsá povu Timor reaje ba surtu COVID-19, 22% sente katak insuficiente, 49% sente katak apropriadu 29% sente katak estremu liu (la tau iha gráfiku).


Respondente otas boot liu ho tinan 45+ mak iha liu tendénsia atu sente katak reasaun Governu nian no povu Timor ne'e apropriadu (idaidak – 58%, kompara ho 47-49% ba grupu otas joven liu; no 58%, kompara ho 37-52% ba grupu otas ki'ik liu).

Governu nia resposta ba COVID-19

Iha 9 Marsu GoTL implementa serka sanitária iha Dili no dezde ne'e implementa ona iha munisípiu sia nu'udar dalan ida atu responde ba COVID-19. Maioria husi respondentes (61%, menus liu uitoan husi 67% iha Maiu 2021) indika sira 'konkorda tebetes' ka 'konkorda uitoan' ho utilizaun serka sanitária'. Hanesan iha Maiu 2021, hirak ne'ebé hela iha Dili (69%) mak iha liu tendénsia atu apoia ba utilizaun serka sanitária duké hirak ne'ebé hela fora husi Dili (59%).


Governu mós uza konfinamentu obrigatóriu (tenki hela iha uma) ba tempu diferente iha Timor-Leste nu'udar dalan ida atu responde ba COVID-19. Maioria (66%) husi respondentes konkorda ho reasaun ida-ne'e. Hirak ne'ebé hela iha Dili (73%) mak iha liu tendénsia atu konkorda duké hirak ne'ebé la hela iha Dili (64%).

Ita-boot konkorda ka lae ho Governu halo...



Respondente barak liu (91%) mós sente Governu tenki kontinua bandu ema atu mai Timor Leste husi nasaun seluk (konsistente ho 92% iha FEVEREIRU 2021 no 89% iha DEZEMBRU 2020). Maibé, barak liu (91%) sente tenki iha oráriu regulár ba Timoroan fora husi raili'ur atu bele fila mai Timor Leste.

Oinsá ho ita-boot nia hanoin kona-ba PNTL nia reasaun agora ba COVID-19?



Polísia Nasionál Timor Leste (PNTL) mak responsavel hodi reforsa restrisaun COVID-19 iha comunidade. Resposta sira kahur malu – 36% sente reasaun PNTL nian ne'e apropiadu, enkuantu 38% sente katak insuficiente no 26% sente katak estremu liu.

Hirak ne'ebé hela iha Dili (49%) mak iha liu tendénsia atu konsidera reasaun PNTL ne'e insuficiente, kompara ho hirak ne'ebé hela fora husi Dili (35%).


Apoi u adisionál governu nian

Iha kada ronda levantamentu nian, husu ona ba respondentes saida mak governu bele halo liu tan atu apoia ninia sidadaun sira. Iha Juñu 2021, hapara serka sanitária mak sai nafatin sujestaun komún liu (44%), tuir fali ho forndese informasaun liu tan kona-ba oinsá atu iha asesu ba Governu nia programa sira (42%), hapara estadu emerjénsia (34%) no fornese informasaun liu tan kona-ba COVID-19 nia prevensaun (34%)

Nu'udar observa ona iha ronda sira antes husi peskija ne'e, hirak ne'ebé hela fora husi Dili mak iha liu tendénsia atu sente katak Governu tenki hapara serka sanitária (47%, kompara ho 36% husi rezidente Dili sira) no hapara estadu emerjénsia (39%, kompara ho 21%). Hirak ne'ebé hela iha Dili iha liu tendénsia atu relata katak Governu tenki fornese osan liu tan ba umakain sira (32%, kompara ho 16% husi hirak ne'ebé la hela iha Dili).

Durante tempu ida ne'e, saida mak governu halo liu tan atu tulun ninia sidadaun sira? (Permite resposta oioin)

■ Maiu 2020 ■ Jullu 2020 ■ Setembru 2020 ■ Dezembru 2020 ■ Feveireu 2021 ■ Maiu 2021 ■ Juñu 2021





Atu responde ba COVID-19, GoTL distribui ona pagamentu umakain nian ba sidadaun sira, tuir fali ho sesta bázika /billete ai-han nian. Entre hirak ne'ebé simu ona, satisfasaun ba kada programa aumenta ona dezde Dezembru 2020. Enkuantu satisfasaun ho rua ne'e hotu aas, respondentes relata satisfasaun boot liu ba pagamentu osan umakain nian (98%) kompara ho sesta bázika (88%).

Satisfasaun ho...

Cesta Básica

Pagamentu Uma-Kain





Husu ba respondentes saida mak sira prefere liu alein husi pagamentu osan, billete ai-han ka sesta bázika. Maioria husi respondentes (74%) prefere liu ba pagamentu osan. Preferénsia ida ne'e partikularmente pronunsia husi hirak ne'ebé hela iha Dili (86%), kompara ho 69% husi hirak ne'ebé hela fora husi Dili.


Governansa no Partisipasaun

Maioria (64%) husi respondentes sente katak GoTL halo servisu ho di'ak 'lóos' ka di'ak 'uitoan' hodi hala'o nia responsabilidade sira. Figura ida-ne'e aliña ho Maiu 2021 (60%) no Feveireiru 2021 (63%), nota katak pursentajen ema ne'ebé dehan Governu hala'o servisu ho di'ak 'lóos' aumenta husi 15% ba 28%.

Persepsaun sira kona-ba maneira Governu hala'o nia responsabilidade sira sai menus pozitivu tuir otas. Hirak ne'ebé ho otas tinan 17-24 mak pozitivu liu (75% sente katak sira halo servisu di'ak), enkuantu hirak ho otas tinan 45+ mak menus pozitivu liu (56%).

Maski hirak ne'ebé hela iha Dili mak pozitivu liu duké hirak ne'ebé hela fora husi Dili iha Maiu 2021, persepsaun sira kona-ba Governu ne'e atu hanesan iha Juñu 2021 (68% entre hirak ne'ebé hela iha Dili kompara ho 63% husi hirak ne'ebé la hela iha Dili).

Enjerál oinsá ita-boot sente kona-ba maneira Governu Timor-Leste hala'o nia responsabilidade sira?




Protesaun no Seguransa

Persepsaun sira kona-ba situasaun protesau no seguransa iha comunidade lokál sira ne'e pozitivu liu duké iha Maiu 2021. Maioria (66%) husi respondentes sente protesau no seguransa hanesan deit dezde inísiu COVID-19 Marsu tinan kotuk, no proporsaun notavel sente nia melloradu (31%, sa'e husi 16% iha Maiu 2021). Pursentu tolu deit husi respondentes mak sente nia sai piór liu tan.


Persepsaun sira kona-ba protesau no seguransa iha sira nia comunidade iha grupu demografia hotuhotu iha Juñu 2021.

Oinsa mak ita-boot deskreve situasaun protesau no seguransa iha ita-boot nia comunidade lokál kompara ho molok EE primeiru no inísiu COVID iha fulan Marsu tinan uluk?



COVID-19 (82%) nafatin to'o orasne'e mak **ameasa** persebida komún liu **ba seguransa iha respondentes nia área lokál**, maski ho estensaun menus liu iha Maiu 2021 (91%). Ameasa persebida husi COVID-19 aas liu ba hirak ne'ebé hela iha Dili (91%), no ba respondentes ho otas ki'ik liu tinan 17-24 (92%).

Dezde Marsu, saida mak sai ona ameasa boot liu ba seguransa iha ita-boot nia área?




Maioria husi respondentes (65%, hanesan ho ronda sira antes) sente iha pelumenus **kauxa konflitu** ida **iha sira nia área**.

Abandonu⁷ nafatin sai kauxa persebida komún barak liu ba konflitu (19%), ne'ebé sa'e neneik dezde Dezemburu 2020. Hirak ne'ebé hela fora husi Dili (21%) mak iha liu tendénsia atu komprende abandonu nu'udar kauxa ida husi konflitu, kompara ho hirak ne'ebé iha Dili (12%).

Atake fíziku ne'ebé rezulta kanek mak kauxa persebida komún liu daruak ba konflitu (12%). Ida-ne'e mak baibain relata liu ba mane sira (19%) kompara ho feto sira (6%).

Saida mak sai kauxa komún liu husi konflitu iha ita-boot nia área?




⁷ Abandonu iha Timor Leste nia kontestu dalabarak refere ba mane sira husik hela sira nia ferikoan no/ka labarik sira sen apoiu materiál. Ne'e inklui kazu paternidade sira iha ne'ebé mak feto isin-rua ruma buka apoiu materiál ba ema seluk ne'ebé promete atu hola nia; no mós iha kazu asaltu seksuál ne'ebé rezulta isin-rua iha ne'ebé ofensór rekuza atu selu multa/taumatan.

Knaar Uma Laran nian

Hanesan iha ronda sira antes, satisfasaun ho maneira fahe knaar uma laran nian entre respondente ho nia ferik/katuasoan nafatin aas loos (97%). No mós observadu iha ronda sira antes, satisfasaun ho divizaun servisu entre respondentes ho sira nia ferik/katuasoan ne'e hanesan ba mane (98%) no ba fetu (96%), maski distribuisaun la hanesan ba servisu mane no fetu nian iha knaar uma laran sira.


Satisfaitu oinsá Ita-boot ho maneira fahe servisu uma laran nian iha ita-boot nia umakain?



Husu ba respondentes kona-ba distribuisaun knaar uma laran entre sira, sira nia ferikoan ka katuasoan, ka ema seluk (hanesan família, oan ka ema ne'ebé hela hamutuk). Hanesan ho ronda levantamentu sira antes, mane sira iha tendénsia atu atribui servisu barak liu ba sira nia ferikoan duké ba sira nia an rasik (iha média, ba knaar uma laran hotuhotu, mane sira atribui 29% husi servisu ba sira nia ferikoan, no 11% ba sira nia an rasik). Maibé, iha kontraste ho ronda sira antes, fetu sira atribui proporsaun hanesan ba servisu ba sira nia an rasik (28%) nune'e mós ba sira nia ferikoan (25%).

Iha Juñu 2021, proporsaun notavel husi respondentes relata katak ema seluk halo servisu uma laran nian (47% ba mane sira no 36% ba fetu sira), duke sira ka sira nia parseiru.


Persepsaun distribuisaun servisu (média ba knaar hotu-hotu)



Nu'udar iha ronda sira antes, knaar hotuhotu barak liu fetu sira mak halo ba finansa umakain nian (maioria hala'o husi mane iha 40% husi umakain sira, barak liu husi fetu 21%).

Proporsaun ema ne'ebé indika hanorin oan iha uma no tula oan sira hala'o barak liu husi mane sira ne'e aas liu duké iha ronda sira antes (13% no 17%, idaidak) maibé knaar hirak ne'e sei iha liu tendénsia atu hala'o husi fetu sira (20% no 19%, idaidak).

Distribuisaun knaar (persepsaun husi jéneru rasik)




Impaktu Sosial no Ekonomia sira

Husu ba respondentes atu identifika oinsá COVID-19 iha ona impaktu ba sira pesoalmente iha sira nia aspeitu moris balu—se sira hetan ona impaktu pozitivamente, negativamente, ka la afetadu liu. Rezultadu husi *valor balansu grosu* (sentimentu pozitivu menus sentimentu negativu) hatudu katak ba dala uluk, respondentes haree impaktu husi COVID-19 ba sira nia moris nu'udar *negativu* duké pozitivu iha aspeitu moris hotuhotu. Enkuantu padraun ne'e observadu iha Maiu 2021, nia pronunsia liu iha Juñu 2021.

Entre 46-76% husi respondente dehan sira hetan ona impaktu negativu husi COVID-19 ba kada aspeitu, enkuantu ba 16-42% sente kada aspeitu iha impaktu pozitivu ida.


Valor grosu ba kuaze aspeitu hotuhotu ne'e dokumentadu ki'ik liu iha ronda levantamentu hotuhotu antes. Respondentes relata impaktu negativu barak liu ba sira nia rendimentu umakain nian (-60%) no servisu (-48%).

Persepsaun kona-ba impaktu pesoál husi COVID-19 [Saldo líkidu: impaktu pozitivu *menus* impaktu negativu]



Kuaze metade husi respondentes (48%) indika kustu sasán hanesan fós ka mina goreng sa'e iha sira nia merkadu lokál, tuun uitoan duké iha Feveiru 2021 maibe aas liu duké iha 2020.

Iha fulan kotuk, presu husi sasan sira hanesan fos ka mina no seluk tan, muda iha ita-boot nia merkadu lokal??




Proporsaun ema ne'ebé indika sira forsadu atu la han ka hamenus sira nia hahán pelumenus dala ida iha fulan kotuk tamba falta osan tuun iha Juñu 2021 (55%), figura ki'ik liu dokumenta dezde Maiu 2020 (eseptu ba Setembru 2020).

Proporsaun hanesan (55%, tuun husi 75% iha Maiu 2021, la tau iha gráfiku) dehan katak ema seluk iha umakain mós la han ka hamenus hahán iha momentu ne'ebá tamba osan la iha.

Hirak ne'ebé hela iha Dili mak iha liu tendénsia atu relata katak sira (79%, kompara ho 47% husi hirak ne'ebé hela fora husi Dili) ka ema seluk iha uma laran (78%, kompara ho 48%) la han ka hamenus ona hahán. Feto sira (61%) mós iha liu tendénsia duké mane sira (48%) atu la han ka hamenus hahán ba sira an rasik.

Iha loron 30 liu ba, tenki hamenus han ka la han tempu balu tamba la iha osan natón ba hahán?




Notisia no Informasaun

Televizaun nafatin sai kanál uzadu frekuentemente liu ba média no entretenimentu (92% uza ida-ne'e pelumenus dala balu kada semana, figura aas liu dokumenta dezde inisiu husi levantamentu ne'e iha Maiu 2020). Proporsaun atu hanesan husi respondentes nu'udar Maiu 2021 relata katak sira uza média sosiál no internet (66%, aliña ho 63% iha Maiu 2021), rona rádio (40%, aliña ho 44%) no lee jornál (24%, aliña ho 29%) pelumenus dala balu iha semana ida.

Hirak ne'ebé hela iha Dili relata uza média sosiál / internet (80% 'loroloron' ka 'dala balu iha semana ida', kompara ho 61% husi hirak ne'ebé fora husi Dili) no haree televizaun (97%, kompara 90%) frekuentemente liu duké hirak ne'ebé fora husi Dili. Maibé, hirak ne'ebé hela fora husi Dili relata rona rádio frekuentemente liu (42%, kompara ho 34% husi hirak iha Dili).

Hanesan iha ronda sira antes, utilizaun média sosiál aas liu ba respondente otas ki'ik liu sira ho tinan 17-24 (84%) no tuun tuir otas. Maibé, respondente joven liu otas 17-24 iha tendénsia menus liu atu uza kanál seluk hotuhotu kompara ho grupu otas boot liu.



Respondente barak liu (85%) iha sira nia telefone rasik, atu hanesan no ronda sira antes (79-82%).


Pursentu ualunulu resin lima relata katak sira ka ema seluk iha uma laran asesu ba internet ka média sosiál ho sira nia telefone.⁸ Figura ida-ne'e atu hanesan ho ronda sira antes husi levantamentu ne'e. Rezidente Dili sira (96%, kompara ho 87% husi hirak ne'ebé hela fora husi Dili) mak iha liu tendénsia atu asesu ba internet liuhusi sira nia telefone.

Pursentu hitunulu resin hitu husi respondentes indika sira uza apps ka website frekuentemente (iha sira nia telefone, ema seluk nia telefone, ka ho meiu sira seluk), aliña ho ronda sira antes. Nu'udar observadu antes, hirak ne'ebé hela iha Dili (92%) no otas 17-24 (91%) mak iha liu tendénsia atu uza websites ka apps regularmente.

Facebook (72%) nafatin app populár liu, tuir fali WhatsApp (42%) no YouTube (39%). Enkuantu utilizaun websites / apps barak liu ne'e atu hanesan ho ronda sira antes, proporsaun ema ne'ebé mak uza YouTube mak dokumenta barak liu iha Juñu 2021.

⁸Tamba levantamentu ne'e hala'o liuhusi telefone, respondente hotuhotu iha ona asesu ba telefone ida. Nu'udar komparaun ida, iha Levantamentu Tatoli 2018, 76% husi respondentes fo número telefone no so 33% husi respondentes mak deha sira iha asesu ba internet.

Website ka apps topu 5 ne'ebé uza barak liu




Iha sira nia uma kain...

- 85%** Iha telemovel rasik
- 85%** Asesu ba internet uza telemovel
- 73%** Dala barak uza websites ka apps


COVID-19 nafatin sai tópiku notisia akompaña besik liu iha Juñu 2021, no proporsaan ema ne'ebé mak akompaña pelumenus besik 'uitoan' (73%) dokumenta aas liu dezde Maiu 2020. Kompara ho Maiu 2021, respondentes iha liu tendénsia atu akompaña tópiku sira pelumenus besik uitoan – notavelmente liu, política lokál (60%, aas liu fali ronda hotuhotu antes).

Kontraste ho ronda sira antes, respondentes ne'ebé hela fora husi Dili mak iha liu tendénsia atu akompaña kada tópiku pelumenus besik uitoan kompara ho hirak ne'ebé hela iha Dili. Envolvimentu ho kada tópiku mós jeralmente aas liu ba mane sira.

Besik oinsá ita-boot akompaña tópiku tuir mai ne'e?



Fonte informasaun ne'ebé fiar liu ba COVID/notisia jerál sira?




Televizaun nafatin sai fonte informasaun ne'ebé fiar liu (89%, aliña ho ronda sira antes).⁹ Nu'udar observai iha ronda sira antes, rezidente Dili sira mak iha liu tendénsia atu relata katak televizaun mak sira nia fonte ne'ebé fiar liu (97%, kompara ho 86% husi hirak ne'ebé hela fora husi Dili).

Enkuantu sita deit katak fonte ne'ebé fiar liu entre minoria, hirak ne'ebé hela fora husi Dili mak iha liu tendénsia atu fiar ba Konsellu Suku / lider lokál sira (8%, kompara ho 1% husi hirak ne'ebé hela iha Dili).


RTTL (92%) no GMN (85%) nafatin sai kanál ne'ebé ema haree barak liu. Proporsaan husi respondentes ne'ebé haree GMN dala barak liu sa'e neneik husi 63% iha Dezembu 2020. Nu'udar obsrvadu iha ronda sira antes, respondentes ne'ebé hela fora husi Dili iha liu tendénsia atu haree RTTL (97%, kompara ho 81% husi hirak ne'ebé hela iha Dili).

Entre hirak ne'ebé rona rádio, RTTL mak estasaun populár liu iha Juñu 2021 (85%), aas liu fali duké ronda sira antes. Ida-ne'e lidera prinsipalmente husi hirak ne'ebé hela iha Dili (100%, kompara ho 83% hirak ne'ebé la hela iha Dili). Rádio Komunitade (24%, tuun husi 43% iha Maiu 2021) no Rádio Maubere (20%, tuun husi 43%) ne'ebé sai estasaun populár liu, maibé menus populár duké iha Maiu 2021.

Kanál televizaun ida ne'ebé mak ita-boot haree dala barak liu?




Rádio ne'ebé mak rona dala barak liu?



⁹ Favór nota katak iha Ronda 4 pergunta ida ne'e husu kona-ba fonte notisia no informasaun enjerál. Iha ronda sira antes, husu pergunta ida ne'e relaciona ho COVID-19 no informasaun notisia sira seluk separadamente.

Dezafiu boot liu 5 atu asesu ba informasaun



Respondente barak liu iha Juñu 2021 relata pelumenus dezafiu ida atu asesu informasaun (79%), aliña ho Maiu 2021 (77%).

Fundu limitadu ka osan atu selu ba ligasaun nafatin dezafiu komúun liu (60%), maibé ba estensaun boot liu duké iha Maiu 2021 (44%).

Nu'udar iha ronda sira antes, fundu limitadu sira mak relata komúun liu nu'udar dezafiu ba hirak ne'ebé hela iha Dili (75%) duké hirak ne'ebé fora husi Dili (54%).


Pergunta sira kona-ba vasinasaun

Hatene informasaun kona-ba vasina COVID-19 ne'e aas liu duké iha Maiu 2021. Kuaze respondente hotuhotu hatene katak vasina kontra COVID-19 agora eziste ona (99%, sa'e husi 89% iha Maiu 2021) no se vasina COVID-19 aprova ona ba uzu iha Timor Leste (98%, sa'e husi 90%). Nu'udar iha Maiu 2021, respondentes iha menus tendénsia atu hatene bainhira mak vasina sei disponivel ba sira pesoalmente (79%), maibé figura ida-ne'e mós aumenta kompara ho Maiu 2021 (72%).


Enkuanta sensibilidade kona-ba vasina rasik ne'e atu hanesan ba grupu demográfiku sira hotu, respondentes nia sensibilidade kona-ba bainhira mak disponivel ba sira pesoalmente ne'e aas liu ba hirak ne'ebé hela iha Dili (91%, kompara ho 75% husi hirak fora husi Dili) no fetu sira (84%, kompara ho 74%).

Nota: Resposta *la hatene* no *la koho* ne'e inklui iha medida baze ba kada pergunta iha seksaun ida ne'e.v

Ita-boot hatene:



Iha ne'ebé mak ita-boot rona kona-ba vasina COVID-19 ne'e?¹⁰




Hirak ne'ebé rona ona kona-ba vasina mak iha liu tendénsia atu rona ona kona-ba ne'e iha TV (40%) ka husi Governu nia website (32%). Proporsaun ema ne'ebé rona kona-ba ne'e husi Governu nia website aumenta ona kada ronda dezde FEVEREIRU 2021.

Kontraste ho ronda sira antes, respondentes iha Dili mak iha liu tendénsia atu rona ona kona-ba vasina iha TV (56%, kompara ho 36% husi hirak fora husi Dili), enkuantu hirak ne'ebé hela fora husi Dili mak iha liu tendénsia atu rona ona kona-ba ne'e iha Governu nia website (37%, kompara ho 17% husi hirak iha Dili).

¹⁰Iha Maiu 2021 no FEVEREIRU 2021 "TV ka Rádio" hamutuk ida de'it Tan ne'e laiha rezultadu hodi kompara entre TV no Rádio

Ida ne'ebé husi hirak iha kraik ne'e mak deskreve oinsá ita-boot sente kona-ba simu vasina COVID?



Kuaze untersu (31%) husi respondentes hetan ona pelumenus doze ida husi vasina COVID-19. Ba sira ne'ebé hetan ona, 60% foin hetan doze ida, pursentu tolu hetan doze rua no 27% seidauk iha serteza.


Hirak ne'ebé hela iha Dili (58%, kompara ho 22% husi hirak la hela iha Dili) mak iha liu tendénsia atu hetan ona vasinasaun.

Pursentu tolu deit mak relata sira la iha intensaun atu simu nia, tuun husi pursentu sia iha Maiu 2021. Hirak ne'ebé la iha intensaun atu simu nia relata barak liu katak sira la bele simu tamba razaun saúde (48%) ka sira ta'uk ba efeitu laterál ba tempu badak ka naruk (34%).

Wainhira husu kona-ba seguransa no efetividade persebida husi vasina ne'e, menus husi 40% husi respondentes indika katak sira hein katak vasina ne'e efetivu hodi prevene COVID-19 ba ema iha otas hotuhotu, seguru ba tempu badak no naruk, ema barak simu atu proteje comunidade. Maibé, repondente barak liu mak sente katak vasina ne'e sei efetivu menus liu 'uitoan' kontra kada aspeitu.


Persepsaun katak vasina ne'e sei seguru atu simu ka prova katak seguru iha tempu naruk tuun kompara ho Maiu 2021.

Husi saida mak ita-boot haree no rona ona iha momentu ne'e, oinsá ita-boot hein husi vasina ne'e...



Metade liu deit (57%) husi respondentes mak aprova Timor Leste nia planu vasinasaun, sa'e husi Maiu 2021. Respondente otas joven liu tinan 17-24 (65%), no hirak ne'ebé hela iha Dili (66%) mak iha liu tendénsia atu aprova palnu, nota katak ida-ne'e tamba proporsaun boot liu ba sira nia kontra-parte sira ne'ebé fó resposta netrál, duké la konkorda ho planu ne'e.

Husi saida mak Ita-boot haree, lee, ka rona ona, maka'as oinsá Ita-boot aprova ka la aprova Timor-Leste nia planu vasinasaun?



Nota: Iha Feveireiru 2021 pergunta ida ne'e husu de'it ba sira ne'ebé hatene kona-ba vasina, maibé husu mós respondente hotu-hotu iha Maiu no Juñu 2021


Impaktu husi bee sa'e no siklone

Hanesan ho Maiu 2021, maioria (63%) husi respondentes indika sira nia uma ne'ebé sira baibain hela ba la afetadu husi siklon no/ ka inundasaun, enkuantu kuaze unkuartu husi (28%) indika sira nia uma afetadu 'uitoan'. Pursentu ualu relata sira nia uma afetadu 'barak' ka hetan estragu. Nu'udar iha Maiu 2021, hirak ne'ebé hela iha Dili mak iha tendénsia menus atu la afetadu liu (75% 'lae liu', kompara ho 27% husi hirak ne'ebé hela iha Dili).

Kuaze hotuhotu (97%) husi respondentes mak sei hela iha sira nia uma. Figura ida ne'e ki'ik liu uitoan ba sira ne'ebé hela iha Dili (92%), kompara ho hirak ne'ebé fora husi Dili (98%). Hirak ne'ebé hela iha Dili mak iha tendénsia liu uitoan atu hela iha kolega ka membru familia nia uma.

Pursentu sanulu resin ida (tuun uitoan husi 16% iha Maiu 2021) indika iha ona ema barak liu mak hela iha sira nia uma dezde siklon no inundasaun. Iha kuaze kazu hotuhotu (99%) ema adisionál hirak ne'e mak sei iha sira nia uma.


Uma ne'ebé Ita-boot hela ba afetadu husi Siklon no/ka bee-sa'e?



Maioria (60%, aliña ho 58% iha Maiu 2021) husi respondentes mak relata sira nia abilidade atu hetan katak sira nia atividade buka moris 'la' afetadu 'liu' husi siklon no inundasaun, enkuantu kuaze untersu (32%, la iha mudansa) relata katak afetadu 'uitoan'. Pursentu hitu mak afetadu 'barak loos', maibe nem ida indika sira bele hala'o sira nia atividade buka moris.

Nu'udar iha Maiu 2021, hirak ne'ebé hela fora husi Dili mak iha tendénsia menus liu atu relata sira nia atividade buka moris ne'e afetadu ona (70% 'lae liu', kompara ho 32% husi hirak ne'ebé hela iha Dili).


Rendimento husi Ita-boot nia atividade buka-moris ne'e afetadu husi siklon no bee-sa'e?




Husu ba respondentes se sira baibain sosa ka kuda liu ba sira nia ai-han umakain nian. kuaze metade (54%) husi respondentes sosa liu sira nia ai-han umakain nian, enkuantu 44% kuda liu ai-han. Hirak ne'ebé hela iha Dili mak iha liu tendénsia atu sosa liu (92%), enkuantu hirak ne'ebé hela fora husi Dili mak iha liu tendénsia atu kuda liu (56%).

Ba hirak ne'ebé baibain kuda liu ai-han, proporsaun boot liu (62%) relata katak sira nia produitu ai-han la afetadu husi siklon ka inundasaun kompara ho Maiu 2021 (54%). Pursentu sanulu relata kata sira nia produitu ai-han afetadu 'barak' ka kompletamentu estragu, tuun husi Maiu 2021 (17%).

Oinsá ho ita-boot nia produitu natar/to'os ne'e afetadu husi siklon no bee-sa'e



Ita-boot simu ona asisténsia ruma direktamente nu'udar rezultadu husi Siklon no bee-sa'e?




Liu deit metade (56%) husi hirak ne'ebé afetadu husi siklon ka inundasaun simu ona forma asisténsia balu, aas liu duké iha Maiu 2021 (42%). Barak liu husi respondente hirak ne'e mak simu ona sisténsia husi Governu (31%, sa'e husi 18%) ka ONGs (20%, sa'e husi 8%).

Proporsaun se mak simu ona asisténsia enjerál entre grupu demográfiku sira, maibé diferença balu iha tipu asisténsia ne'ebé simu ne'e observadu. Hirak ne'ebé hela iha Dili mak iha liu tendénsia atu simu ona asisténsia husi ONGs (27%) no Igreja (11%).

Kompara ho grupu otas boot liu, respondente joven liu tinan 17-24 iha

tendénsia menus liu atu simu ona asisténsia husi Governu (22%), maibé iha liu tendénsia atu simu asisténsia husi kolega sira no família (12%) ka la iha serteza asisténsia ne'e mai husi ne'ebé (13%).

Oinsá satisfeitu Ita-boot ho resposta/reasaun husi governu ba siklon no bee-sa'e?




Satisfasaun tomak ho Governu nia reasaun ba siklon no inundasaun (78%) aas liu duké iha Maiu 2021 (71%). Satisfasaun ne'e atu hanesan ho hirak ne'ebé hela iha Dili (75%) no fora husi Dili (79%).

Apoi rendimentu husi família/kolega sira iha tasi balun / rai li'ur

Iha Juñu 2021, so 11% husi respondentes mak relata simu osan husi kolega ka família iha tasi balun dezde Estadu Emerjénsia hahú iha Marsu 2020, ki'ik liu duké iha Maiu 2021 (20%, la tau iha gráfiku). Hirak ne'ebé hela iha Dili (17%, kompara ho 9% husi hirak ne'ebé la hela iha Dili) no feto (15%, kompara ho 7% husi mane sira) mak iha liu tendénsia atu simu ona osan.

Maioria (62%) husi hirak ne'ebé simu ona osan simu ona menus husi USD 1,000. Enkuantu, 19% simu entre USD 1,001-3,000, no 14% simu entre USD 3,001-6,000.

Ita-boot uza ona osan ne'e ba saida?




Aliña ho rezultadu sira husi Maiu 2021, osan ne'ebé simu husi kolega sira ka família barak liu jeralmente uza ba hahán no kustu moris báziku (88%).

Kompara ho Maiu 2021, hirak ne'ebé simu ona osan mak iha tendénsia menus liu atu uza ba konstrusaun ka hadi'a uma (20%, tuun husi 40%) no iha liu tendénsia atu uza ba despeza kulturál (16%, sa'e husi 5%).


Perfil respondente

Perfil husi respondente sira iha kraik ne'e bazeia ba dadus ne'ebé **la tetu** (kontajen matak husi respondente sira, no la ajusta atu reflète Timor-Leste nia populasaun).

Munisipiu




Jéneru



Maiu Jul Set Dez Fev Maiu Juñu
2020 2020 2020 2020 2021 2021 2021


Mane Feto

Tinan




Númeru ema iha Ita-boot nia umakain

Adultu sira




0 1 2 3 4+

Labarik sira




0 1 2 3 4+


Ita-boot nia uma-kain simu pagamentu ruma husi governu?¹¹




Iha loron baibain, oras hira mak Ita-boot la'o atu kuru bee?



Oras servisu (se empregadu) dezde inisiu Estadu Emerjénsia



(Se redúz ona oras) Ita-boot nia patraun ...



¹¹Favór nota katak Apoiu Monetariu ba COVID-19 / \$100 kada umakain la inklui nu'udar opsaun resposta ba pergunta ida ne'e iha Feveiru 2021, tamba ne'e dadus komparavel ne'e la disponivel

Metodolojia

Oinsá dezenvole kestionáriu ne'e?

Fundasaun Ázia lidera dezenvolvimentu kestionáriu, ho ORIMA Research mak fornese asesoria apropiada. Pergunta sira ne'ebé dezeña husi peskija antes ne'ebé Fundasaun Ázia hala'o ona, no mós ORIMA Research nia levantamentu *COVID-19 Recovery Tracker*, entre hirak ne'e mak levantamentu internasionál COVID-19. Levantamentu Feveireiru ne'e inklui seksaun foun sira kona-ba vasinasaun COVID-19 no mós pergunta komún barak husi ronda sira antes levantamentu ne'e. Fundasaun Ázia supervizona programasaun no tradusaun ba kestionáriu hirak ne'e ba iha *Open Data Kit (ODK)*, plataforma software levantamentu fonte-aberta ida.

Oinsá mak dezenvolve kuadru amostra no oinsá ho ninia efektividade?

Kuadru amostra ba levantamentu ida ne'e dezeña husi levantamentu pasadu Tatoli no levantamentu Polisiamentu Komunitáriu ne'ebé

Fundasaun Ázia hala'o oin ho oin. Halo limpeza ba amostra sira envolve hasai númeru sira ne'ebé mamuk /invalidu / duplikadu (n=6,344).

Wainhira telefone númeru ida no se ema seluk mak responde, ema ida ne'e bele

mós tuir levantamentu ne'e. enkuantu pasu balu halo atu levantamentu ida ne'e representativa liu tan, amostra husi projetu ne'e klasifikadu tuir naun-probabilidade.

	Proposta minimu	Mai 20	Jul 20	Set 20	Dez 20	Fev 21	Mai 21	Juñ 21
Mane iha Dili	38	70	78	80	73	72	70	56
Feto iha Dili	38	57	50	48	52	56	57	71
Mane laos iha Dili	150	179	174	172	181	189	179	181
Feto laos iha Dili	150	117	102	107	96	112	117	112

Oinsa hala'o entrevista telefónica sira?

Atu hala'o servisu kampu, Fundasaun Ázia halo parseiru ho ONG baze iha Dili ho naran Institutu Mata Dalan (MDI). Maioria entrevistadór sira servisu ona iha projetu sira ho Fundasaun Ázia, no barak mak agora servisu hela iha ronda oioin husi levantamentu ida ne'e. Staf husi Fundasaun Ázia halo kontaktu fali ba propózitu validasaun, la iha problema boot ruma. Monitorizasaun mós hala'o husi staf Fundasaun Ázia.

	Mai 20	Jul 20	Set 20	Dez 20	Fev 21	Mai 21	Juñ 21
Lista amostra	2,307	1,192	534	681	442	414	423
La koho	30	47	66	87	2	4	0
Númeru sira ne'ebé la funisona	1,666	619	60	188	11	6	3
Dadus fiksiu final	423	404	407	402	429	404	420
Tasa resposta ¹²	19.9%	32.6%	76.2%	59.0%	97.1%	97.6%	99.3%
Hahú Servisu kampu	19 Mai 20	18 Jul 20	21 Set 20	3 Dez 20	20 Fev 21	1 Mai 21	11 Juñ 21
Remata servisu kampu	25 Mai 20	27 Jul 20	2 Out 20	8 Dez 20	2 Mar 21	8 Mai 21	17 Juñ 21
Kumprimentu mediana husi entrevista ¹³	47m25s	41m30s	43m23s	47m57s	42m12s	57m21s	49m8s
Númeru entrevistadór	14	19	11	17	13	11	14

Kuaze levantamentu hotu-hotu halo iha Tetum, ho balu mak hala'o iha with Fataluku, Bahasa Indonesia ka Baikenu. Respondente sira simu pulsa \$2 atu partisipa iha peskija ne'e..

¹² Tasa resposta ne'e konta husi númeru kompletu final levantamentu nian ne'ebé mai husi kuadru amostra fahe tuir númeru telephone sira ne'ebé uza husi kuadru amostra ne'e.

¹³ Eisklui kazu 25/29/28/26 ne'ebé naruk oras 4, dalabarak tamba la hanehan butaun final 'entrega' nian.

Pasu sira halo ona atu aseguira dadus ne'e representativa ba Timor-Leste nia populasaun?

Peskija ne'e dezenia atu bele representativa liu tan ba adultu (17+) husi populasaun Timor-Leste nian nu'udar define ona husi Resenseamentu 2015. Konsiderasaun sira iha amostra inklui nesesidade atu posibilita komparasaun sira entre Dili ho munisipiu sira seluk, no mos sai praktika iha tempu ne'ebé relativamente badak no amostra limitadu.

Kuota minima sira (hatee iha leten) estabesele atu aseguira jeneru apropriadu no kobertura jeografika. Kuota ida, relasiona ho fetu sira fora husi Dili, mak nunka atinji. Alein ne'e, individu municipal sira fora husi Dili iha kuota minima ne'ebé proporsiona ba sira nia populasaun. Kuota minima pesiza ba kada munisipiu mak 10. Munisipiu sira ho populasaun aas liu (hanesan Baucau no Ermera) iha kuota minima 25.

Iha kada ronda, amostra ne'e tetu ba markasaun populasaun nian ne'ebé define iha resenseamentu 2015. Ida ne'e atu korrije resposta bias husi fetu no mane no otas klaran sira, no mos uitoan Dili amostraresin. Tetu ho Métopu Iterativu Arbitrária (*Random Iterative Method* (RIM)) uza pakote anesrake iha stúdio R hili nu'udar métodu tetu apropriadu liu

	Populasaun (N=662,285)	Mai 20 UW (n=423)	Jul 20 UW (n=404)	Set 20 UW (n=407)	Dez 20 UW (n=402)	Fev 21 UW (n=429)	Mai 21 UW (n=404)	Juñ 21 UW (n=420)
Tinan								
17-24	28%	14%	15%	11%	14%	8%	12%	15%
25-44	41%	53%	58%	61%	53%	57%	50%	60%
45-120	31%	33%	27%	28%	33%	35%	38%	25%
Jeneru								
Mane	50%	59%	62%	62%	63%	61%	64%	56%
Fetu	50%	41%	38%	38%	37%	39%	36%	44%
Fatin								
Dili	26%	30%	32%	31%	31%	30%	31%	30%
Laos Dili	74%	70%	68%	69%	69%	70%	69%	70%

ho konsiderasaun ba komparabilidade futuru nian, simplisidade no representasaun populasaun nian. Variavel sira ne'ebé uza atu tetu, proporsaan sira iha populasaun no proporsaan sira ne'ebé la tetu ne'ebé hatudu ba loos.

Pasu prosesamentu dadus saida mak halo ona?

Wainhira ORIMA simu ona dadus, pasu prosesamentu dadus tuir mai mak hala'o:

- Hatee duplikadu no pasa revista lalais.
- Resposta ba pergunta sira iha Tetum tradúz husi Fundasaun Ázia.
- Resposta "La hatene" iha pergunta oioin halo eiskluzivu.
- Tau kódigu iha kotuk hala'o se apropriadu.
- Pasa revista ba label variavel no label valór sira no modifika ba propóritu relatóriu nian.
- Tetu halo hanesan iha leten.

Resposta sira indika tipu ida husi naun-resposta (hanesan "La hatene", "La aplikavel" no "La kóhi") hasai ona husi baze relatóriu ida ne'e, eiseptu nia indika kontrária.

Oinsa ha'u bele konfia iha rezultadu sira ne'e?

	Mai 20	Jul 20	Set 20	Dez 20	Fev 21	Mai 21	Juñ 21
Númeru resposta sira	423	404	407	402	429	404	420
Marjen estatística husi erru	±4.8%	±4.9%	±4.9%	±4.9%	±4.8%	±4.9%	±4.8%

Marjen estatística husi erru ne'e konta uza proporsaan persentajen 50% iha nivel konfidensiál 95%. Enkuantu marjen erru la teknikamente aplika ba amostra naun-probabilidade sira, ida ne'e bele uza nafatin hanesan matadalan jerál ida wainhira determina se rezultadu sira ne'e atualmente diferente ka diferente de'it pur akazu. Fatór sira seluk, hanesan métodu amostra, bias la-responden no erru sukat mos tenki konsidera wainhira interpreta rezultadu sira. Figura sira iha testu ne'ebé ho bandeira tamba diferente entre sub-grupu sira ne'ebé deskobre hanesan signifikante atu pelumenus kategoria ida seluk wainhira uza Welch T-test iha interval konfidensiál 95% ho marjen korresaun Bonferroni no teste hirak ne'e konsidera ida ne'e. Maibé, sira tenki uza de'it matadalan jerál ida. Teste sira la esklaresidu iha ne'ebé la iha diferensa sub-grupu nian. Pur ezemplu, iha diferensa uitoan tuir jeneru. Iha relatóriu ida ne'e, la'os figura hotu-hotu sei adisionál to'o 100% tamba tuir ronda.

Kona-ba Fundasaun Ázia

Fundasaun Ázia ne'e organizasaun dezenvolvimentu internasionál naun lukrativu ho kompromisu atu mellora moris iha Ázia ne'ebé dinámiku no dezenvolve hela. Servisu ho repartisaun ih anasaun 18 no informadu ho péritu lokál kle'an no ho eisperiénsia dékada nen, ami responde ba problema kritiku sira ne'ebé afea Ázia iha sékulu 21 liuhusi: reforsa governasaun, espande oportunidade ekonómika, hasa'e reziliénsia ambientál, hakbiit feto sira, no promove kooperasaun internasionál. Iha Timor-Leste, Fundasaun ne'e oras ne'e daudaun fokus ba reforsa governasaun no polítika, hapara violénsia kontra feto, dezenvolve turizmu inkluzivu, no promove paz no justisa.

Ba informasaun liu tan kona-ba Fundasaun Ázia favor vizita asiafoundation.org, ka kontaktu:

Héctor Salazar Salame – Representante Nasionál – Dili, Timor-Leste -hector.salazar.salame@asiafoundation.org

Enderesu: Avenida Luro Mata, Bairro Metin II, Bebonuk - Dili, Timor-Leste Tel: + 670 331-3457

Kona-ba *ORIMA Research*

ORIMA Research mak kompañia peskija sosiál Australiana ne'ebé espesializadu iha governu no seitór naun lukrativu sira. ORIMA servisu barak ho Fundasaun Ázia dezde 2015, inklui iha prosesamentu dados, metodolojia levantamentu no análise no relatóriu.

Ba informasaun liu tan kona-ba ORIMA Research favor vizita ami nia website www.orima.com.au, ka kontaktu:

David Bruce – Partner – Canberra, Australia – david.bruce@orima.com

Relatóriu ida ne'e publika tuir padraun internasionál ISO20252.